



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-073-5/23
Datum: **05.05.2023.**

«Agencija za vodno područje rijeke Save» Sarajevo rješavajući po zahtjevu Investitora „ESKIMO S2” d.o.o. Travnik za donošenje rješenja o vodnoj dozvoli za ispuštanjem oborinskih, onečišćenih voda u lokalni kanalizacioni sustav sa lokacije objekta benzinske crpke koja se nalazi u naselju Mehurići, općina Travnik, na osnovu člana 109. stav 1. Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „ESKIMO S2” d.o.o. Travnik, za ispuštanje oborinskih, onečišćenih voda u lokalni kanalizacioni sustav sa lokacije objekta benzinske crpke koja se nalazi u naselju Mehurići, općina Travnik, na zemljištu označenom kao k.č. broj: 1602/3, 1602/4 i 1602/9, K.O. Jezerci, općina Travnik.
2. Ova vodna dozvola se odnosi isključivo na ispuštanje oborinskih, onečišćenih voda u gradski kanalizacioni sustav sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Smještaj nafte i naftnih derivata vršiti u ukopanim dvoplašnim, čeličnim rezervoarima ukupne zapremine 110 m³ (60+50 m³).
 - 3.3. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u lokalnu kanalizaciju kojom gospodari JKP „BAŠBUNAR” d.o.o. Travnik.
 - 3.4. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.6. Čišćenje i praznjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.

- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima .
- 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.8. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane u prilogu 1., tabela 1.1. kolona 3. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
 - 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.10. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.11. Vršiti redovnu kontrolu međuplašnog prostora spremnika, njihovo čišćenje, kao i kontrolu rada.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22, te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, investitor odnosno korisnik „ESKIMO S2“ d.o.o. Travnik je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana pravosnažnosti ovog rješenja.
 11. Prije isteka važnosti ove dozvole Investitor „ESKIMO S2“ d.o.o. Travnik, dužan je da zatraži izdavanje nove vodne dozvole.

O b r a z l o ž e n j e

Investitor „ESKIMO S2“ d.o.o. Travnik, podnio je zahtjev za izdavanje vodne dozvole za ispuštanje oborinskih, onečišćenih voda u lokalni kanalizacioni sustav sa lokacije objekta benzinske crpke koja se nalazi u naselju Mehurići, općina Travnik, na zemljištu označenom kao k.č. broj: 1602/3, 1602/4 i 1602/9, K.O. Jezerci, općina Travnik. U provedenom postupku uz zahtjev za donošenje rješenja o vodnoj dozvoli , dostavljena je slijedeća dokumentacija:

- Kopija Rješenja o aktualnom izvodu iz sudskog registra broj: 051-0-Reg-12-000704 od 22.10.2012. izdano od općinskog suda u Travniku,
- Kopija Uvjerenja o poreznoj registraciji od 28.10.2015.godine, izdanog od strane Porezne uprave – Kantonalni ured Novi Travnik,
- Ovjerena kopija Uvjerenja o upisu u jedinstveni registar obveznika indirektnih poreza broj: 04/1-UPJR/1-5817-2/07 od 16.07.2007.godine, izdanog od strane Uprave za indirektno-neizravno oporezivanje Banja Luka,
- Kopija uplatnice administrativne takse,
- Kopija uplatnice po Zaključku o posebnim troškovima,
- Građevinska dozvola za benzinsku crpku br: 04/06-23-4-425/04 od 05.05.2004. izdana od Odjela za urbanizam, građenje, katastar i imovinsko pravne poslove općine Travnik,
- Upotrebna dozvola br.04/06-23-548/04 od 31.05.2004.god., izdana od Odjela za urbanizam, građenje, katastar i imovinsko pravne poslove općine Travnik,
- Projektno tehnička dokumentacija „Glavni projekt benzinske pumpe Eskimo s2“ izrađen od DOM PROJEKT d.o.o. Travnik iz 2003.,
- Vodoprivrednu suglasnost br. 05-25-244/03 od 02.09.2003. izdana od Ministarstva šumarstva, poljoprivrede i vodoprivrede Kantona Središnja Bosna,
- Okolišna dozvola br. 04/06-23-11-760/16 od 10.08.2016.god., izdana od Odjela za urbanizam, građenje, katastar i imovinsko pravne poslove općine Travnik,
- Ugovor sa poduzećem „DELTA PETROL“ d.o.o. Kakanj o čišćenju i održavanju separatora ulja i masti,
- Godišnji Izvještaj o monitoringu kvaliteta i kvantiteta otpadnih voda benzinske pumpe Eskimo S2 za 2022.god, izrađen od HERKON d.o.o. Mostar br.GI-OV-02-70-008/23 iz 1/2023.,
- Račun za ugrađene dvoplašne spremnike za naftne derivate 50+60 m³, ispostavljen od UNIS KOVINA d.o.o. Visoko.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-073-4/23 od 28.04.2023. na kome je konstatirano sljedeće:

- Objekat benzinske pumpe sa pratećim sadržajima je izgrađen u naselju Mehurići, općina Travnik, na zemljištu označenom kao 1602/3, 1602/4 i 1602/9, K.O. Jezerci, općina Travnik.
- Objekt benzinske crpke se sastoji od prodajnog objekta, uredskog prostora, kafe bara, nadstrešnice sa automatima za istakanje goriva, podzemnih, dvoplašnih spremnika za skladištenje goriva, separatora masti i ulja.
- Zauljene oborinske vode sa radnih, prometnih i manipulativnih površina se sistemom uličnih slivnika i kanizacionih cijevi prikupljaju i odvođe do betonskog separatora ulja i masti s 8 komora. Preliv iz separatora je preko izgrađene lokalne kanalizacije u vodotok –rijeku Bilu.
- Vodoopskrba je sa lokalne vodovodne mreže.
- Smještaj goriva se vrši u ukopanim čeličnim dvoplašnim spremnicima ukupnog kapaciteta 110 m³ (60+50 m³), nabavljenih od UNIS KOVINA d.o.o. Visoko.
- Ugovor o čišćenju i održavanju separatora ulja i masti sklopljen je s poduzećem Delta Petrol d.o.o. Kakanj.
- Ispitivanje kvaliteta i kvantiteta ispuštenih voda se mjeri u zadnjoj, prelivnoj komori separatora od strane HERCON d.o.o. Mostar i izrađen Godišnji Izvještaj o monitoringu kvaliteta i kvantiteta otpadnih voda benzinske pumpe Eskimo S2 za 2022.god., br.GI-OV-02-70-008/23 iz 1/2023..

- Za objekt je izrađena projektno tehnička dokumentacija „Glavni projekt benzinske pumpe Eskimo S2“ izrađen od DOM PROJEKT d.o.o. Travnik iz 2003., koji sadrži i rješenje odvodnje oborinskih voda.
- Izgrađeni objekt nije u vodnom dobru.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva „ESKIMO S2“ d.o.o. Travnik, ispunio minimum uvjeta za izdavanje vodne dozvole za promet ispuštanjem oborinskih, onečišćenih voda u gradski kanalizacioni sustav sa lokacije te je riješeno kao u dispozitivu ovog rješenja.


Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
 Rukovodilac Sektora za izdavanje vodnih akata

 Haris Ališehović, dipl. ing.grad.

Dostaviti:

- „ESKIMO S2“ d.o.o. Travnik, Mehurići bb, Travnik
- AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava